

Broj:01-33-5845 /20
Sarajevo, 20.10.2020.godine

HITNO!!!

**KANTONALNIM/ŽUPANIJSKIM ŠTABOVIMA/STOŽERIMA
S V I M A**

PREDMET: Upozorenje – dostavlja se

Poštovani,

Imajući u vidu pogoršanje COVID – 19 epidemiološke situacije u Federaciji Bosne i Hercegovine, te povećane transmisije na području Federacije Bosne i Hercegovine, a posebno u Kantonu Sarajevo, Hercegovačko – neretvanskom kantonu, Zapadno – hercegovačkom kantonu, Bosansko – podrinjskom kantonu, te tendencije rasta u svim kantonima, pozivamo Vas da žurno i bez odlaganja, donesete adekvatne higijensko - epidemiološke mjere, kako bi se spriječilo dalje širenje virusa na području kantona/županije, kao i cijele Federacije Bosne i Hercegovine.

Posebno Vas pozivamo na dosljedno provođenje mjera koje su u nadležnosti kantona/županije sukladno Ustavu F BiH; kao i Zakonu o zaštiti stanovništva od zaraznih bolesti (Službene novine Federacije BiH, broj:29/05),te Naredbi Kriznog stožera Federalnog ministarstva zdravstva, a kojima je predviđena mogućnost i obveza uvođenja restriktivnijih mjera od strane kantona/županija shodno epidemiološkoj situaciji.

Svako odlaganje donošenja adekvatnih mjera na nivou kantona/županije može dovesti do eskalacije zdravstvene krize, te ugrožavanja zdravlja ljudi, ali i ekonomije. Ukoliko se odmah ne uvedu adekvatne mjere, vrlo brzo ćemo doći u situaciju uvođenja „lockdowna“.

U prilogu vam dostavljamo i preporuke koje je Krizni stožer Federalnog ministarstva zdravstva donio na svojoj vanrednoj 19. sjednici.

Po navedenom, molimo za žurno djelovanje.

MINISTAR
Prof.dr.sci Vjekoslav Mandić



DOSTAVLJENO:

- Naslovu;
- Evidenciji;
- Arhivi.

Krizni stožer Federalnog ministarstva zdravstva, u cilju daljnjeg praćenja situacije i poduzimanja mjera radi sprječavanja i ranog otkrivanja slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, sukladno točki III. stavak (1) Odluke o proglašenju prestanka stanja nesreće uzrokovano pojavom koronavirusa (COVID-19) na području Federacije Bosne i Hercegovine („Službene novine Federacije BiH“, broj 34/20), kao i odredbi članka 6. stavak (5) Pravilnika o ustrojstvu i načinu rada Kriznog stožera Federalnog ministarstva („Službene novine Federacije BiH“, broj 10/12), na 19. vanrednoj sjednici održanoj 20.10.2020. godine, u uvjetima pogoršane COVID-19 epidemiološke situacije u Federaciji BiH koja se pogoršava, donio je sljedeću

PREPORUKU

1. Preporučuje se osobama starije životne dobi, naročito onima sa hroničnim bolestima, da izbjegavaju bespotrebna kretanja i korištenje javnog prijevoza, te da redovito koriste zaštitnu opremu. U slučaju prijekne potrebe za kretanjem, preporučuje se isto u periodu od 11.00 – 13.00 sati. Također, preporučuje se osobama starije životne dobi da maksimalno reduciraju odlaske u ordinacije kod obiteljskog liječnika i u bolnice, ukoliko im nije prijeko potrebna zdravstvena skrb. Preporučuje se najprije kontaktirati telefonom obiteljskog liječnika, ukoliko je osobi ove dobi potreban recept ili liječnički savjet.
2. Preporučuje se pučanstvu na području Federacije BiH, da zbog COVID-19 epidemiološke situacije koja se pogoršava, izbjegavaju javna i privatna okupljanja i ograniče svoja kretanja.
3. U slučaju pojave nekih od simptoma kao što su: povišena temperatura, kašalj, gubitak mirisa ili okusa, preporučuje se osobama sa simptomima, kao i članovima njihovog kućanstva da ostanu kući, te se telefonski jave nadležnom liječniku kako bi dobili daljnje upute.
4. Preporučuje se svim državljanima Federacije BiH da ne putuju u zemlje u kojima je prisutna visoka transmisija COVID-19, kao i ni unutar Bosne i Hercegovine, kako bi se spriječila lokalna transmisija virusa.
5. Preporučujemo svim državljanima Federacije BiH koji žive ili rade u zemljama u kojima je prisutna visoka transmisija COVID-19, da ne dolaze u Federaciju BiH, zbog povećanja rizika od unošenja COVID-19, a što bi dodatno moglo rezultirati daljnjem pogoršanju COVID-19 epidemiološke situacije u Federacije BiH.
6. Preporučuje se online model odvijanja redovne nastave u svim obrazovnim institucijama na području Federacije Bosne i Hercegovine gdje god je to moguće, odnosno gdje postoje uvjeti (informatičko-komunikacijske tehnologija) za implementaciju online modela.